

DIPONO TŠA WILLIAM BRANHAM

Theipi ye e diretšwe Mmušo wa Modimo, bjalo ka ge ke e neela go Ngwanešu Lee Vayle bakeng sa sengwalwa. Ngwanešu Vayle o nkgopetše, mo ka bogoneng bja Ngwanešu Mercier, go—go fa tše dingwe tša dipono tša pele. Nnete, dipono moo boka...Ke...ya pel... Ye nngwe ya dilo tša mathomo ke kgonago go di gopola, ke dipono, di etla. Dipono di tlie nako yohle. Eupša morago ga tshokologo ya ka ke moo ke naganago o be o ne kgahlego ka gona, Ngwanešu Vayle.

2 Gabotse, ke a elelwa, morago ga ge ke hlomamišitšwe ka kerekeng, kereke ya Baptist, ke Ngk. Roy Davis, mo ka Watt Street ka Jeffersonville, moo kereke e bego e le nako yeo. Ke elelwa pono e tee ya go ikgetha, e sego godimo dibekē di se kae morago ga ya ka...e ka ba...Ke tla re, matšatši a se makae morago ga tlhomamišo ya ka. Ke be...ke bone pono ya mokgalabje yo a bego a robetše ka sepetele, yo a bego a šilagantswe. O be a le monna wa lekhala. Gomme o ile a fodišwa semetseng, kudu, gore go hlotše kgakanego ye ntši. Gomme a tsoga go tšwa mpeteng gomme a sepela.

3 Gomme matšatši a mabedi, e ka ba matšatši a mabedi, ka morago ga fao, ke be ke kgaola ditirelo, tša ditirelo tša go se lefiwa ka New Albany, meetse, le gase, le—le dipili tša mohlagase. Gomme e...ke be ke tletše ka thabo kudu! Nako le nako ge ke hwetša ntlo ya kgale, ke tla no ya ka gare le go rapela, le a tseba, moo go sego motho a dulago.

4 Gomme ke elelwa ke botša Mna. Johnny Potts, yo a phelago lehono. O kgauswi, ke a thanka, go masomesupā goba masomeseswai a mengwaga bogolo. O be a mmalametara yo mobose. Gomme ba mo tšere go tloga go go bala metara nako yeo, gomme ba mmeile tesekeng, go tšea dipelaelo le dilo, ge o tsena mojako, le dipitšo tša tirelo. Gomme ke be ke mmotša se Morena a mpontšitšego. Gomme o be a le, gatee ka lebakana, a topa di se kae tša dimetara tše lahlegilego tše monna wa mehleng a sego a di hwetša. Gomme ka go se, o—o be a botša, monna . . .

5 Yeo, ke e bonego ka lephepheng, moo ba bilego le karikana ya kgale... Ka matšatšing ao, ba be ba namela dipere tše pedi, gomme ba topa tšila le matlakala, ka moka mokgobeng. Fao go be go le monna wa go tšofala wa mokhalate ka leina la Mna. Edward J. Merrell. O be a dula 1020 Clark Street ka New Albany. Gomme o be a thutšwe ke batho ba babedi ba bašweu, e bego e le mosetsana yo mošweu le mo—le mo mošemané, a nametše koloi. Gomme o be a lahlegetšwe ke taolo ya koloi, gomme ya mo šilagantše ka lebileng la karikana. Gomme e nno roba marapo ohle ka mmeleng wa gagwe, go nyakile, gomme wona go kgabola

karolo ya gagwe ya sefega, gagolo. E phetletše mokokotlo wa gagwe go tšwa lefelong. Gomme ba bile le yena ka sepetlele gampe kudu.

⁶ Gomme Mna. Potts, a feta go kgabola se—se sepetlele kua ka New Albany, o mmoditše seo ka ga Morena a mekamekana le nna. Gomme o nthometše go tla, go mo rapelela. Gomme ka pela, ke naganne, “Yoo ke monna yo ke mmonego ka ponong ye.”

⁷ Kafao, ke—ke be ke tšhogile gannyane go ya, gobane e be e le ye nngwe ya ka ya mathomo, le a bona, go ya ka mokgwa woo. Kafao, eupša, go le bjalo, ke ile le go hwetsa mokgotsi wa ka, yo a sa tšwago go sokologa, mošemane yo monnyane wa Mofora a bitšwa George DeArk. Gomme ke be ke sa tšo mo hlahlela go Kriste. Gomme re ile godimo. Gomme ke rile, “Bjale, Ngwanešu George, ke—ke—ke nyaka o elelwe. Dilo tše tše di diregago go nna, ga ke kgone go di kwešiša. Eupša, o a elelwa, monna yo o ya go fodišwa. Gomme ge a fodišitše, go na le... Nka se kgone go mo rapelela go fihla batho ba babedi ba bašweu ba etla le go ema ka lehlakoreng le lengwe la mpete, gobane ke swanetše go e dira ka tsela ye e laeditšwego go nna.”

⁸ Gomme ke ile ka gare go—go sepetlele le go kgopela Mna. Merrell. Gomme ke ile kua, gomme mosadimogatša wa gagwe o mpoditše gore o be a hlobaetsa. Gomme o be a sa kgone go šutha ka lebaka la gore dix-ray di bontšitše gore a mangwe a marapo a a be a robetše thwi kgauswi le leswafo. Gomme ge a ka šutha, gobaneng, go tla, gwa phunya maswafo a gagwe le go mo tšholla madi go iša lehung. Gomme o be a befile kudu. Gomme go be go etšwa madi gannyane go tšwa mogolong wa gagwe, le go ya pele, gobane o be a etšwa madi go dikologa molomo. O be a robetše fale e ka ba matšatsi a mabedi. Gomme monna o be a le, ka nako yeo, a ka ba bogolo bja mengwaga ye masometshela tlhano, ke a eleletša, masometshela goba masometshela tlhano. Monna yo mogolo; maledu a gagwe a molomong, botelele, a be a fetogile bošweu. Gomme moriri wa gagwe e be e le wo mopududu.

⁹ Gomme ke ile ka gare le go botša monna yo, go le bjalo, pono ye ke e bonego go tšwa go Morena. Gomme batho ba baswa ba tla ka gare, bao ba bego ba mo thutše. Gomme ka khunama fase go mo rapelela. Gomme ka bjakobjako, monna yo o ile a goelela, a re, “Ke fodile,” gomme a tabogela godimo. Gomme mosadimogatša wa gagwe, a leka go mo swara morago, ka mpeteng. Gomme yo mongwe wa dingaka a tla, a leka go swara ka mpeteng. Gomme a taboga go tšwa mpeteng, a hlola go thantshelwa mo gontši. Gomme ge ke ile go...ka re go Ngwanešu George...

¹⁰ Gomme nako yeo yo mongwe wa dikgaetšedi, e be e le sepetlele sa Katoliki, a tla ka gare gomme a re ke swanetše go tšwela ka ntle ga fao, kafao go dira monna yola a thantshelwa. Gobane, o be a ne letadi, e ka ba lekgolo le nne. Gomme selo

sa go tlabo, ge ba mmeile morago ka gare; mo—mo moprista, lefelo, gomme ba bangwe ba dingaka ba mmeile, ba mo dirile a ye morago mpeteng, gobane o be a apara diaparo tša gagwe. Gomme ge ba tsere phišo ya gagwe, o be a se ne phišo.

¹¹ Bjale, go na le batho ba bantši ba ba phelago lehono, bao ba bonego pono, ba e bone e direga, goba ba tseba ka yona.

¹² Gomme ke ile ntle le go ema mo ditepising, gomme ke rile go Ngwanešu George, “Bjale, šetša. O ya go be a apere jase ye tsotho le kefa ya legau. O tla sepela thwi go theoga ditepisi tše, mo metsotsong e se mekae.” Gomme ka kgonthe o dirile. O tlie thwi ntle le go sepelela tlase.

¹³ Gomme e ka ba bo—bo—bo bošego ka morago ga fao, Morena o bonagetše go nna gape, mosong wo mongwe, feela e ka ba go hlaba ga letšatši, gomme a ntaetša mosadi wa go golofala ka go tšoša, yo a bego a eya go fodišwa. Kafao ke rile, “Gabotse, ka kgonagalo ke tla—ke tla hwetša moo a lego.”

¹⁴ Gomme kafao ke ile tlase gomme ke be ke tepogela ka meetseng tsoko, godimo go, ke a dumela e be e le, go dikologa Eighth Street ka New Albany. Gomme ke bile... E be e le ntlohiršwa ya go hlatlagana, gomme ke be ke boifa ke tepogile mahlakore a mabedi. Lehlakore le tee, batho ba be ba tšwetše ntle; gomme lehlakore le lengwe, batho ba be ba le fao. Kafao ke ile godimo go lehlakore leo le bilego le ba—ba batho, le dutšwe. Gomme ke kokotile mo lebating. Gomme ba be ba le ba—ba—ba batho ba go diila ka kgonthe. Gomme wa kgogedi kudu, mosetsana yo moswa o tlie mojako, a ke re a apere go šokiša. Gomme o—o rile, “O be o nyaka eng?”

Ke rile, “A o ka leka meetse, go bona ge eba a timilwe?”

¹⁵ Gomme o rile, “Ee, mohlomphegi.” Gomme o ile. O rile, “Aowa. Meetse a sa tšwa.”

Ke rile, “Ke a go leboga.”

¹⁶ Gomme mmagwe, a robetše mpeteng, leina la gagwe e be e le Mdi. Mary Der Ohanian. Gomme o be a le Moarmenian. Mošemane wa gagwe o bapetše moralokamorago, ke a dumela e be e le, godimo ga peise ya New Albany, sehlopha sa kgwele ya maoto. Gomme yena, morwedi wa gagwe, o be a le sekolong se se phagamilego. Leina la gagwe e be e le Dorothy. Gomme o rile... Dorothy o re go nna, “A ga o monna yola wa Modimo yoo a bilego le phodišo yela fa ka sepetele, letšatši le lengwe? Mme wa ka o duma go bolela le wena.” Gomme ke tsene ka gare.

¹⁷ Gomme o mpoditše gore o be a robetše, a golofetše. Gomme o be a golofetše, ka mpeteng, mengwaga ye lesomešupa, ge e sa le mosetsana yo a tswalwa. Gomme kafao mosetsana o be a le bogolo bja mengwaga ye lesomešupa. Gomme kafao ke mmoditše gore... O rile, “A ke wena monna yola wa Modimo yoo a fodišitšego monna yola?”

¹⁸ Ka re, "Aowa, mohumagadi. Ga se nna mofodiši. Ke no—no no rapelela mo—mo monna wa go babja, gomme ke laeditše ke Sengwe se mpoditšego." Ke be ke sa tsebe gore ke se bitše eng; pono, goba eng. Ke be ke sa tsebe gore e be e le eng, go le bjalo. Ke be ke sa no ba mošeman, gomme ke sa nyala le se sengwe le se sengwe. Gomme kafao go bile le . . . Mohumagadi yo—yo o nkgopetše bakeng sa thapelo, bakeng sa gagwe. Gomme ke mmoditše, "A nke ke rapele, pele, gomme gona ge Morena a mpontšitše go tla morago."

¹⁹ Gomme ka gona ge ke ile ntle go rapela . . . ke hweditše Ngwanešu George. Gomme ke rile, "Yola ke mosadi yola yoo ke—ke bego ke go botša gore ke rapetše mabapi le yena. Ke a tseba ke mosadi wa go swana. Eya le nna."

²⁰ Gomme re ile godimo kua go—go neela thapelo. Gomme kafao mosetsana yo monnyane yo wa mengwaga ye lesomešupa, nnete, nna ke no ba mošeman, yo moswa. Gomme o bile le ngwanabo, a ka ba tshela, bogolo bja mengwaga ye seswai, se sengwe boka seo. Gomme go be go le mohlare wa Krisemose, o be o le thwi morago ga Krisemose, o eme ka ntlong. Gomme ba fihlile ka morago ga mohlare wo wa Krisemose, go ntshega. "Go dira mme wa bona a welwe ke maruru." Ke mmoditše gore Morena o be a eya go mo fodiša. Gomme ke . . . Ngwanešu George le nna re ile fase go rapela.

²¹ Gomme ge ke thoma go rapela, gabotse, Morongwa yola yo ke mmonago, Yoo le mmonago ka seswantšhong, ke Mmone a lekeletše godimo ga mpete. Gabotse, ke obeeditše godimo le go swara seatla sa gagwe. Ke rile, "Mdi. Ohanian." Bjale, o dula ka New Albany thwi bjale, yena le monnamogatša wa gagwe, lapa. Gomme ke rile, "Mdi. Ohanian. Morena Jesu o nthomile, le go mpotša pele ke etla, gore, go go rapelela, gomme o be o 'eya go dirwa go fola.' Phagama ka maoto a gago, gomme o dirwe go fola, Leineng la Jesu." Maoto a gagwe a be a gogetše godimo ka tlase ga gagwe. Yena, ka Beibele ya gagwe ya Armenian godimo ga pelo ya gagwe, o ile a thoma go sepela go leba lehlakoreng la mpete. Gomme ge a dirile, o . . .

²² Nako yeo Sathane a bolela le nna, a re, "O mo dumelitše go thula lebato lela, o tla roba molala wa gagwe, go tloga mpeteng wola wa godimo." Ke be ke tšhogile nakwana.

²³ Gomme ka mehla ke be ke tseba gore seo tšona dipono, ke be ke sa tsebe seo di bego di le sona nako yeo, di mpoditšego ka mehla di be di lokile. Kafao ke ile pele, go le bjalo, go mo tlogela a tšwe mpeteng. Gomme Modimo go beng hlatse ya ka, ka pela ge a thomile, a taboga go tloga mpeteng wola, maoto bobedi a tla go otlologa. Morwediagwe o ile a goelela, a goga moriri wa gagwe, gomme a kitimela ntle ka mokgotheng, a goelela kudu ka fao a bego a kgona. Baagišani ba tšwa mogohle. Gomme o be a le fao, lekga la mathomo lebaka la mengwaga ye lesomešupa, a sepela

tikologong ka kamoreng yela, a tumiša Modimo. Ke tlogile, ka pela, go ya kgole go tloga go yona.

²⁴ Moragorago, ke tlwaelane le mosetsana yo moswa yo, le go ya le yena. Nnete, se ga sa swanela go ba rekotong, eupša ke ile le mosetsana yo moswa.

²⁵ E sego botelele ka morago ga fao, dibeke di se kae, ke be ke le ngwakong wa mme wa ka, mantšiboa a mangwe. Gomme ke be ke rapela, letšatši leo, gomme ga—ga se ka no bonala ke se na le go atlega, go—go—go phenyo ka thapelong ya ka. Gomme ka gopola, ke tla no dula gohle... le a tseba, go ya pele mpeteng. Ke be ke dula gae, ka nako yeo. Gomme kafao ke ile ka ka—ka kamoreng, go—go rapela. Gomme ke... e be e ka ba iri ya pele mosong, ke a thanka. Gomme ke—ke rapetše.

²⁶ Gomme, gateetee, ke lebeletše. Gomme, mama, o be a fela a tsea diaparo tša gagwe, a no di pakela mo setulong, le a tseba. Re be re le batho ba go diila ka kgonthe. Gomme ke lebeletše, Sengwe se sešweu se etla go nna, gomme ke naganne ke be ke lebeletše setulo sela sa diaparo. Eupša E be e le Morongwa yola wa Morena, Leru lela—lela, le a tseba. Gomme La tla godimo mo ke bego ke le.

²⁷ Gomme ke—gomme ke be ke eme ka kamoreng, ye nnyane, ye re e bitšago ntlo ya “šotekane”, ye nnyane, ntlo ya go otlologa, dikamora tše pedi ka go yona. Gomme e be leboto la go mamaretšwa lepolanka le lehubedu mo bakeng sa lehlakore, le a bona. Go be go le mpete wo monnyane wa tshipi go lehlakore la ka le letona. Go be go le mosadi wa hlogontsho a eme kgahlanong le... Kamora e tee e ile ntle ka moraleng. O be a eme kgahlanong le mojako wola wa morala, a lla. Go be go le tate a eme go nna, gomme o ntlišeditše lesea, gore se sengwe se be se robetše godimo ga sefega sa lona se sennyane. Gomme le letee, leoto la gagwe la nngele, le be le tateditšwe go dikologa, go fihla le be le robetše godimo kgahlanong le mmele wa lona wo monnyane. Gomme leoto la go ja, le phetlegetše pele morago. Matsogo a mabedi a tatologetše godimo, le wona, kgahlanong le mmele wa lona. Gomme mmele wa lona wo monnyane o be o phetlegile le go tatagana go fihla o le thwi *fa* mo molaleng wa gagwe. Gomme ke maketše, “Se se ra go reng?” Gomme ke lebeletše, ke dutše fase go la nngele la ka, gomme fale go dutše mokgekolo, a apotše digalase tša gagwe, le go di phumola go dikeledi goba se sengwe mo galaseng ya gagwe. Go la ka la go ja, godimo ga sofa ye khubedu, yeo e bego e swanetšana le setulo, go dutše yo moswa, mošemane wa hlogokhulwana ka moriri wa dikhele, a lebeletše ntle ka letsikangope.

²⁸ Gomme ke lebeletše, go eme godimodimo go la ka le letona, gomme fale go eme ka go... Morongwa yola wa Morena. Gomme O rile go nna, “A lesea le le ka phela?”

Gomme ke rile, “Mohlomphegi, ga ke tsebe.”

O rile, “Bea diatla tša gago go le putla. Le tla phela.”

²⁹ Gomme ke—ke dirile. Gomme lesea le tabogetše fase, go tloga. . . go tšwa matsogong a tate. Gomme le lennyane, leoto la go ja la phetlologa, gomme lehlakore la go ja la phetlologa, letsogo la go ja la phetlologa. Le dirile kgato ye nngwe, gomme lehlakore le lengwe la phetlologa, mmele, karolo ya magareng ya phetlologa. Gomme o beile diatla tša gagwe tše nnyane ka go tša ka, gomme o rile, “Ngwanešu Branham, ke phethagetše gohlegohle.” Lesea le lennyane le be le apere diobarolo tša mmurufela tše bolou, goba dioborolo, dioborolo tša pipi tše dinnyane. Gomme o be a na le moriri wo motsotho, le wo monnyane, wa nthatana, molomo wo monnyane.

³⁰ Gomme ka gona Morongwa wa Morena o mpoditše O be a nkiša felotsoko gape. Gomme ke ile ka rwalelwka kgole. Gomme O mpeile fase ka thoko ga serapa sa kgale sa mabitla, gomme o mpontšhitše dinomoro godimo ga leswika, kgauswi le kereke. Gomme O rile, “Le e tla ba lefelo la gago la go šupetša.”

³¹ O nkišitše ka go lefelo le lengwe. Gomme go be go le . . . go lebega o ka re e be ke le toropo ye nnyane, ka mabenkele a mabedi ka go yona. Gomme le tee le bile le bokapele bjo serowlana, poto ye serowlana mabotong. Gomme ke sepeletše godimo fale, goba ke eme fale. Gomme go be go le mokgalabje a etla ntle, a apere paki ya mmurufela ye bolou, goba paki ye bolou le diobarolo tše bolou, ka kefa ye serowlana ya mmurufela. O be a ne a magolo, maledu a mašweu.

O rile, “O tla go bontšha tsela.”

³² Gomme nako ye e latelago ge ke hlapologelwa, ke bone ke be ke sepelela ka kamoreng, ke latela mosadi yo moswa wa go bopega boimaima. Gomme ge ke tsena mojako, dipalo ka lephepheng godimo ga leboto di be di le tše khubedu. Godimo ga mojako go be go na le leswao, “Modimo šegofatša legae la rena.” Go na le o mogolo, wa kgale, mpete wa mphiri o robetše ka lehlakoreng la ka le letona. Gomme setofo sa sekgorokgoro se dutše ka go la nngele. Gomme godimo ka khoneng, go be go robetše mosetsana wa mengwaga ye e ka bago lesometlhano ka bokgale. Gomme o be a bile le polio goba se sengwe, seo se bego se gogile leoto la gagwe la go ja. Gomme leoto la gagwe le retologetše ka mathoko, gomme le gogilwe ka tlase ga gagwe. Gomme o—gomme o be a lebega bjalo ka mošemane. Feela, o be a na le moriri bjalo ka mosetsana, gomme o be a na le di—di dipounama tša go bopega pelo bjalo ka mosetsana.

Gomme O rile go nna, “A mosetsana yola a ka kgona go sepela?”

Gomme ke rile, “Mohlomphegi, ga ke tsebe.”

³³ O rile, “Eya o bee diatla tša gago go putla mpa ya gagwe.” Ka gona ka gopola gore e be e le mošemane, nnete go lekanelo, ka

baka la gore Yena a mpeile diatla tša ka go putla mpa ya gagwe. Ke dirile bjalo ka ge A mpoditše.

³⁴ Gomme ke kwele yo mongwe a re, “Tumišang Morena.” Gomme ke lebeletše godimo. Gomme ge ke dirile, mosetsana yo o be a phagamela godimo. Gomme ge a tsogetše godimo, dipitšama a di apereo, leoto la gagwe la pitšama la tla godimo, gomme le laeditše letolo la ntikodiko boka letolo la mosetsana gomme e sego mahuto, le a tseba, boka letolo la mošemane. Gomme ke tsebile e be e le mosetsana. Gomme o be a apere dipitšama tša gagwe. Gomme o a tla, a sepelela go nna, a kama moriri wa gagwe. O hlogo pudutšwana, a kama moriri wa gagwe.

³⁵ Mosetsana o phela ka Salem, lehono, o nyetšwe, gomme o ne bana ba bararo goba ba bane. Gomme mmagwe le tatagwe ba sa le fao, le bona.

³⁶ Gomme kafao ke—ke—ke a hlapologelwa. Gomme ke kgonne go kwa yo mongwe a re, “Ngwanešu Branham . . .” Goba, “Ngwanešu Bill! Oo, Ngwanešu Bill!” Gomme mme wa ka o be a mpiša. Gomme ke naganne. Ke tla kwa e tee, tsela e tee. Go tšwa go pono yela, le a tseba, mohuta wa go thibama. Gomme ke rile, “O nyaka eng, mama?” Ka kamoreng ya go latela, moo a bego a robetše.

Gomme o rile, “Go na le yo mongwe a kokotago lebating la gago.”

³⁷ Gomme ke e kwele, “Ngwanešu Bill!” Gomme ke butše lemati. Go bile monna a tsena ka gare. Leina la gagwe e be e le John Emil. O dula ka Miami, Florida, bjale. Gomme o rile, “Ngwanešu Bill, ga o nkgopole.”

Ke rile, “Aowa. Ga ke dumele ke a dira.”

³⁸ O rile, “O nkolobeditše le lapa la ka. Eupsa,” o rile, “ke tsere tsela yeo e fošagetšego.” O rile, “Ke bolaile monna, mo nako ye nngwe ya go feta. Ka mo itia ka letswele la ka, le go roba molala wa gagwe, ka ntweng.” O rile, “Ke lobile yo mongwe wa bašemane ba ka ba bannyane, yo mogologolo.” Gomme o rile, “Yo monyennyane o robetše gae, o a hwa bjale.” Gomme o rile, “Ngaka ya toropokgolo mo e sa tšwa go tloga, gomme o rile, ‘Ngwana o na le nyumonia gabedi.’ Gomme le no ba thata go hwetša mohemo wa lona.” Gomme o rile, “Ke—ke—ke no . . . O ttile pelong ya ka. Gomme ke a makala ge eba o tla tla le go ba le thapelo le lona.” Gomme o rile, “Bjale, bjalo ka ge o tseba, ke nna motswala go Graham Snelling.” Yo, Graham Snelling, Mor. Graham Snelling bjale, o be a se a ba modiredi ka nako yeo; mošemane yo mokaone wa Mokriste. O rile, “Yena ke motswala wa ka. Ke ya tlase go mo hwetša.” Yo a phetšego e ka ba seripa sa maele go tloga go nna, tlase ka toropongkgolo. Gomme o rile, “Ke ya tlase go mo hwetša. Gomme a o tla ya godimo?”

Ke rile, “Ee, Mna. Emil, ka pela ge ke apare diaparo tša ka.”

Gomme kafao o rile, “Ke tla tšea koloi ya ka, gomme ka go iša godimo.”

Ke rile, “Go lokile.”

³⁹ O rile, “Ka pela ge ke hweditše Graham. Gomme ke nyaka lena bohle go rapelela lesea.”

Ke rile, “Go lokile.”

⁴⁰ Kafao nako yeo ke ile go ba komana. Gomme mme o rile, “Bothata e be e le eng?”

Ke rile, “Go ne lesea le lennyane go fodišwa.”

Gomme kafao o rile, “Go fodišwa?”

Gomme ke rile, “Ee, mme.”

Gomme kafao ke rile, “Ke tla go botša kudu ka lona ge ke bowa morago.”

⁴¹ Kafao mo dinakwaneng di se kae, o kokotile mo lebating, gomme Ngwanešu Graham o be a ne yena. Re be re eya godimo mo, ka se re se tsebago bjalo ka bolotaseketswana bjale, e bego e le Howard Shipyard ya kgale ka nako yeo. Ke rile, “Mna. Emil, a o . . . O dula kae bjale?”

O rile, “Ka godimo ga Utica.”

⁴² Ke rile, “O dula ka go ye nnyane, ye re e bitšago ntlo ya ‘šotekane’, kamora tše nnyane tše pedi.”

“Ee, mohlomphegi.”

“O dula thabeng.”

“Ee, mohlomphegi,” o boletše.

⁴³ Ka re, “Potomotheo ya gago—ya gago mo e dirilwe go tšwa go leleme le mosehlo, gomme e pentilwe bohubedu.”

O rile, “Yeo ke nnete.”

⁴⁴ Ke rile, “Lesea le lennyane le robetše ka malaong a bothekgo bja tshipi. Gomme o na le ka ntlong, bonnyane, para ya dioborolo tša mmurufela tše bolou.”

O re, “O di aperē.”

⁴⁵ Gomme ke rile, “Gomme lesea ke moisa yo monnyane, a ka ba mengwaga ye meraro bogolo. Gomme gape o na le molomo wo monnyane wa nthatana, dipounama tše nnyane tša nthatana tše tshese. Gomme o na moriri wo motsotho gannyane.”

O rile, “Yeo ke therešo.”

⁴⁶ Ke rile, “Mdi. Emil ke mosadi wa hlogo ye ntsho. Gomme ka kamoreng ye, o na le sofa ye khubedu le setulo se sehubedu.”

O rile, “A o kile wa ba fao, Ngwanešu Branham?”

Ke rile, “Feela lebakana la go feta.”

“Lebakana la go feta?” o boletše.

Ke rile, “Ee.”

“Gobaneng,” o rile, “ga se nke ka ke ka go bona.”

⁴⁷ Ke rile, “Aowa. E be e le semoya.” Ke rile, “Mna. Emil, o nkwele ke bolela, ge ke go kolobetša, ka dilo tše di diregago go nna. Seo se ka no . . . Ke bona dilo pele se direga.”

⁴⁸ O rile, “Ee. A se sengwe boka seo se diregile go wena, Ngwanešu Branham?”

⁴⁹ Ke rile, “Ee. Gomme Mna. Emil, e ka ba eng E bilego yeo e mpoditšego, ga se nke ya ke ya mpotša maaka. Lesea la gago le ya go fola ge ke fihla kua.”

⁵⁰ Gomme o emišitše koloi, a wela godimo ga lebile, o rile, “Modimo, nkgaoge. Ntšee morago, O Morena.” Le a bona? “Gomme ke a Go tshepiša, go Go phelela, matšatši ka moka a ka, ge O eya go boloka bophelo bja lesea la ka.” Gomme fao o file pelo ya gagwe go Kriste. Re sepeletše ka ntlong, re thanthetšwe gohle ka yena, soulo e tlišitšwe morago go Kriste.

⁵¹ Ge re—ge re ile ka ntlong, fale go robetše se sengwe le se sengwe feela tlwa ka tsela ye go bilego, feela mokgekolo o be a se fao. Go thanthelwa, go thanthetšwe kudu, ke rile, “Ntlišetše lesea.” Gomme lesea le no se phele. Le a bona? Gore “go tatologela godimo,” e be e le bophelo bo tšwele ka go lesea. Le be le nno tatagana go fihla *mo*, mogolo wa lona wo monnyane. Gomme ke rile, “Ntlišetše lesea.” E sego go letela pono go phethagatša.

⁵² Ngwanešu Vayle, ge phete ye e be e swanetše go be e robetše *mo*, nka se kgone go bolela lentšu go fihla phete yela e robetše kua. Le a bona? E swanetše go no ba ka tsela ye O ntaeditšego.

⁵³ Ka fao ka re, “Ntlišetše lesea.” Gomme tate a tliša lesea go nna, gomme ka le rapelela, gomme la befabefi. Kafao ke naganne, “Bjale se sengwe . . .” Ka kgonthe le lahlegetšwe ke mohemo wa lona, gomme ba ile ba swanelo go lwa le go le šikinya, le se sengwe le se sengwe, go hwetša mohemo ka go lona. Ke naganne, “Bjale, go ne se sengwe sa phošo.”

⁵⁴ Gomme ke diregile go nagana, “O kae mokgekolo?” Yoo o be a se fao nako yeo.

⁵⁵ Kafao ba tšere lesea, ba le beile fase. Ba be ba bea dilo ka tlase ga nko ya lona, se sengwe le se sengwe, gomme ba lla. Mme a goleša, ka go hlakahlakana, le se sengwe le se sengwe. Eupša lesea le be le no—le sa hemele.

⁵⁶ Ke naganne, “Gabotse, ka botlaela bja ka—bja ka, ke šomišitše pono ya Modimo ka go fošagala, ka baka la gore ga se ka ke ka O letela, go thanthelwa kudu.”

⁵⁷ Ka se, o kgona go bona, Ngwanešu Vayle, gobaneng ke leta. Ga ke kgathale ke mang a mpotšago. Ke a go rata bjalo ka ngwanešu. Ngwanešu, o se tsoge wa leka, go mpotša se sengwe go dira, ge ke—ge ke ikwela gore ke—ke na le thato ya Morena. O a bona? Ga go kgathale go lebega gabotse bjang ka tsela ye

nngwe, ke tla Mo letela. O a bona? Gomme—gomme kafao ke—ke ithutile thuto thwi fa, ye mentši, ye mentši, mengwaga ye mentši ya go feta; le go dira tlwa se A se bolelago, le go se se dire go fihla A re se komana go dirwa.

⁵⁸ Lesea le be le lwela mohemo. Bjale, ga se ke kgone go ba botša se ke se dirilego, eupša ke ile ka no swanelo go leta. Ke naganne, “Mohlomongwe mogau o tla o fekeetša, gomme O ntshwarele.” Gabotse, ke ile, ka dula fase.

⁵⁹ Ba lwetše bophelo bja lesea go fihla seetša sa mosegare. Ge letšatši le thoma go hlabo, ba naganne lesea le no sepela go motsotso e ka ba ofe. Gabotse, ke dutše fale. Gomme ba tšwetšepele ba mpotšiša, “Ngwanešu Branham, re swanetše re dire eng?” Goba, “Ngwanešu Bill,” ba mpiditše, “ke dire eng?”

⁶⁰ Ke rile, “Ga ke tsebe.” Le a bona? Ke dutše fale, hlogo ya ka fase, ke re, “Morena, hle ntshwarele.”

⁶¹ Gabotse, gomme morago go tla seetša sa letšatši. Ngwanešu Graham Snelling o ile a swanelo go ya mošomong. Kafao Mna. Emil o ile a swanelo go mo tšea, gomme ke tsebile ke ile ka swanelo go tlogela ntlo.

⁶² Gomme, go le bjalo, Ngwanešu Graham o be a swanetše go be a dutše fale, ka gore o na le moriri wo mopududu, moriri wa dikhele, bjalo ka ge le tseba. O be a swanetše go be a dutše godimo ga sofa ye. Kafao ke be ke dutše fale moo Ngwanešu Graham a bego a swanetše go be a dutše, eupša mokgekolo o be a se gona. Gomme fao ga go mokgekolo lefelong. Ka fao ke dula fao. Gomme ka fao Mna. Emil o ile a apara jase ya gagwe.

⁶³ Ka gona ke tsebile, ge Ngwanešu Graham a tlogile, go thata go bolela ge a ka tsoge a ba morago. O a bona? Gomme ka gona ke tsebile, le ge mosadi a etla, gona Ngwanešu Graham o be a ka se be fao. Kafao le bona ke mohuta ofe wa seemo ke bego ke le ka go sona.

⁶⁴ Gomme kafao Mna. Emil o rile, “Ngwanešu Branham, a o nyaka go sepela?” Goba, “Ngwanešu Bill, o nyaka go ya gae? O nyaka ke go tseele tlase gae?”

⁶⁵ Ke rile, “Aowa, mohlomphegi. Ke tla no leta, ge o sa tshwenyege.” Ke be ke hloile go dula fale ka ntlong, feela lesea le mme, nnamong, gobane ba be ba le batho ba baswa. Bona, o, be a ka ba bogolo bja mengwaga ye masomepedi tlhano, ke a eleletša. Gomme ke be ke le e ka ba bogolo bja go swana. Gomme ke rile, “Aowa. Ke tla no—ke tla no leta, ge o sa tshwenyege.”

O rile, “Go lokile, ngwanešu, Ngwanešu Bill.”

⁶⁶ Gomme kafao mme a sepela lebatong, ka go hlakahlakana, le go leka go . . . a lla le se sengwe le se sengwe, le a tseba. Gomme lesea le no ba go gakala. Le a bona? Go no lebega boka, motsotso e ka ba ofe, feela mohuta wa go swara mohemo wa gagwe, ka mokgwa *woo*, go ya, go *hemelana*, go *hemelana*, ke sohle se bego

se le, mohemo, o be o le ka go lona. Gomme ga go selo . . . Ba be ba se na phenisilini le dilo, ona matšatši, le a bona. Kafao ba no—ba no bea dipantisi godimo ga bona, le dilo boka tšeо. Eupša lesea le lennyane le bile le lona lebaka la matšatši a mmalwa. Gomme le be le ile, le a bona, goba le eya.

⁶⁷ Gomme, ka gona, ke—ke dutše fase kua. Ka gopola, “Nna, ge Graham a eya . . .” Graham a apara jase ya gagwe, gomme a thoma go ya ka ntle ga mojako.

⁶⁸ Gomme o rile go mosadimegatša wa gagwe, o rile, “Bjale, re tla ba morago, feela mo motsotsong.”

⁶⁹ Ke naganne, “O Modimo, gona ke tla swanelo go dula fa letšatši lohle, gomme mohlomongwe bošego bjohle, gape, le a bona, go letela pono yela. Nka kgona go dira eng?”

⁷⁰ Gomme ke lebeletše ntle ga lefastere. Gomme go tla go dikologa ntlo, go tla makgolo wa lesea ka kua. Gomme, gabotse, ke ithutile moragwana, e be e le makgolo. Gomme o be a rwele digalase. Ke naganne, “Ye ke yona, Morena, ge—ge Graham a no se ye ka ntle ga lemati.” Kafao, ka mehla o tla go lebati la ka pele. Eupša, ka mokgwa wo mongwe, ebole ga ba tsebe, go le bjalo, eupša o ile go lebati la ka morago, a tsena ka moraleng. Gomme o sepeletše ka moraleng, wo monnyane, ngwako wa kgale. Gomme ge a fihla lemating, morwediagwe o kitimetše godimo kua gomme a mo atla, ka gore e be e le mmago morwedi, le a tseba, gomme a mo atla. Gomme Ngwanešu Graham . . .

Ka gona o rile, “A lesea le kaone?”

⁷¹ A re, “Mme, le a hwa.” Gomme a thoma go goelela ka mokgwa woo, gomme mmagwe a lla.

⁷² Ka gona ka gopola, “Ge se se ka no šoma, bjale, ge Graham a sa ye ka ntle.”

⁷³ Gomme ke emeletše. Gomme ga se ke kgone go bolela selo, le a bona, go no leta. Gomme Ngwanešu Graham o sepetše tikologong. Ke be ke emeletše gore a kgone go dula fase. Gomme o . . . Gomme bao e be e le ba bangwe ba leloko la gagwe, le a bona, kafao o nno thoma go lla, le yena, le go dula fase godimo ga sofa moo a bego a swanetše go be a dutše.

⁷⁴ Ka gopola, “Bjale, ge mohumagadi yola wa go tšofala a ka no tla go dikologa gomme a dula fase ka setulong se schubedu!” Gomme ke ile morago lemating moo Mna. Emil a bego a eme, a apere jase ya gagwe, gomme a le komana go ya ntle. Boso bja go tonya ka kgonthe, bja go tšutla go tonya. Gomme ke naganne . . . Gomme mohumagadi wa kgale o dutše fase ka setulong se.

⁷⁵ Gomme Graham o dutše fase, gomme a inamišetša hlogo ya gagwe fase. Gomme mme wa lesea, o beile seatla sa gagwe godimo ga mojako, gomme a thoma go lla. Feel a tlwa pono! Gomme mohumagadi wa kgale o dutše fase. Gomme go na le gore e be megokgo, ka moka mmogo, godimo ga digalase tša

gagwe; go tšwa go go tonya, go be go di kolobišitše. Gomme o obeleditše ka sekhwameng sa gagwe se sennyane gomme o ntšitše sakatuku se sennyane, gomme, goba mokotlana wo monnyane, gomme a thoma go phumula digalase tše. [Ngwanešu Branham o thwantšha menwana ya gagwe—Mor.] Ngwanešu, yeo e be e le yona.

⁷⁶ Ke rile go Mna. Emil. Ke rile, “Mna. Emil, o sa ne boitshepo ka go nna bjalo ka mohlanka wa Kriste?”

O rile, “Ka kgonthe ke a dira, Ngwanešu Branham.”

⁷⁷ Ke rile, “Nka kgona go go botša bjale. Ke boletše pele ga pono, lebakana la go feta, ke ka baka leo e sego ya direga. Ge o sa na le boitshepo ka go nna, sepela o ntlišetše lesea la gago.” Oo, nna! Ke a bona e be e lokile, gona, le a bona. “Sepela, ntlišetše lesea la gago.”

⁷⁸ O rile, “Ke tla dira e ka ba eng o mpotšago go dira, Ngwanešu Bill. Nka se boife go le kuka.” Gobane, ba a le kuka, le nno ya, mohemo gohlegohle o le tlogetše. A tliša lesea le lennyane godimo go nna. O obeleditše gomme a le tliša ka matsogong a gagwe, a le tliša godimo go nna, gomme a ema fao.

⁷⁹ Ke beile seatla sa ka godimo ga lona, ka re, “Morena, lebalela bošilo bja mohlanka wa Gago. O a bona? Ke boletše pele ga pono ya Gago. Eupša bjale a nke go tsebje gore O Modimo wa magodimo le lefase.”

⁸⁰ Go se kudu, ke boletše seo, lesea le lennyane le lahletše matsogo a mabedi go dikologa papago lona, la thoma go goelela le go lla, la re, “Papa, ke ikwela gabotse bjale.” Le a bona?

⁸¹ Ke rile, “Mna. Emil, tlogela lesea le lennyane le nnoši. Go tla ba matšatši a mararo pele e le tlogela, ka gore le dirile magato a mararo, go phuthologa.”

⁸² Ke ile gae, gomme ke e boletše ka kerekeng ya ka. Ke rile, “Ke ya morago.” Yeo e be e le ka Mošupologo. Ke rile, “Laboraro bošego, pele ga kereke, ke ya godimo kua.” Ba be ba le batho ba go diila, gomme re ba diretše ntlatlana ya krosari, go ba išetša. Kafao ke rile, “Ke nyaka lena bohle le ye, gomme ge ke eya kua. Gomme le ya go dikologa ntlo. Gomme ge ke etla go lefelo lela, moo ntlo yela e lego, lena šetšang gomme le bone ge ngwana yo monnyane yola a sa tie go putla lebato, ka maledu a mannyane a go dirwa *mo*, moo a bego a enwa maswi a tšhokolete goba se sengwe. Le a bona? Gomme a bea diatla tša gagwe ka go tša ka, gomme a bolela mantšu a, ‘Ngwanešu Bill, ke fodile ka go phethagala.’ Lesea le lennyane le la mengwaga ye meraro bogolo. Šetšang gomme le bone ge e sa direge.”

⁸³ Mosadimogatša wa ka bjale, Meda, pelepele re nyalana, kafao o be a le ka go sehlopha. Gomme morwalo wa theraka o ile le go ipea bonabeng go dikologa ntlo, le a bona, go mpona ge ke otletše godimo ka go theraka ya kgale ya Khamphani ya

Tirelo ya Setšaba yeo ke bilego le yona gae bošegong bjoo. Ke be ke se na le koloi ye e itšego ya ka mong. E tletše sekontiri ka morago, le dilo, le a tseba, moo ke bego ke e goga letšatši leo, le go lokiša dilo. Ke otteletše godimo ka pele, ka ema. Ke ile godimo mathuding; ka kokota lebating. Gomme ba be ba se na le mašela godimo ga lebato le lennyane la kgale. Gomme mme a tla go putla lebato, a re, “Ka baka la eng, ke Ngwanešu Bill,” ka mokgwa woo. Gomme batho ba be ba lebeletše ka mafastere, ka nako yeo, go bona se se tla diregago.

⁸⁴ Gomme mo khoneng, a bapala, go be go le mošemane yo monnyane yo, letšatši la boraro. Ke eme, ga se nke ka bolela lentšu. Gomme a tla, a sepela go kgabaganya lebato, a bea diatla tša gagwe tše nnyane godimo ka go tša ka. Ka... O be a enwa maswi a tšhokolete, maledu a gagwe a mannyane, go swana le, go kgabaganya *kua*, go tšwa go maswi a tšhokolete. A bea diatla tša gagwe godimo ka go tša ka, a re, “Ngwanešu Bill, ke fodile ka go phethagala.” Huh!

⁸⁵ Bošegong bjoo, kua kerekeng, ke e boletše. Ke rile, “Go ne mosetsana wa go golofala, felotsoko, yoo a hlokago.” Ke rile, “Kereke, ga ke tsebe se dilo tše di se rago. Nka se kgone go le botša.”

⁸⁶ Gomme—gomme kafao ke be ke šoma ka Tirelong ya Setšaba. Gomme ke elelwa letšatši le lengwe, e ka ba beke morago ga fao, ke thomile go tlogela moago, go ya ntle. Mna. Herb Scott, o dula mo ka toropongkgolo thwi bjale, o be a le molaodi wa ka. Gomme o rile... Ke thomile go theoga. O rile, “Billy?”

Ke rile, “Ya.”

A re, “Pele o tloga, ke na le lengwalo mo go wena.”

Ke rile, “Go lokile, Herbie. Ke tla le topa mo motsotsong.”

⁸⁷ Gomme—gomme kafao ke ile godimo go hwetša mošomo wa ka wo mongwe, ke be ke hlodišiša. Kafao ke ile godimo go dira mošomo wa ka wo mongwe go dirwa. Gomme ge ke—ke dirile, ke eletšwe lengwalo lela. Ke ile ka ya le go le tšea, ka le bula. Gomme a re, “Morategi Mna. Branham,” le a bona, o rile, “leina la ka ke Nail. Ke nna Mdi. Harold Nail. Re dula lefelong le bitšwago Boston Borwa.” Gomme o rile, “Re Mamethodist, ka tumelo. Gomme ke diregile go bala puku ye nnyane yeo o e ngwadilego, e bitšwago *Jesu Kriste Wa Go Swana Maabane, Lehono, Le Neng le neng*, pampišana ye nnyane. Gomme re be re na le kopano ya thapelo ka ntlóng ya rena, bošego bjo bongwe. Gomme re kwele ka ga gago o na le katlego, o rapelela balwetši.” Gomme o rile, “Ke na le morwedi wa go tlaišega, mengwaga ye lesometlhano bogolo,” o rile, “yo a robetšego malaong a tlaišego. Gomme ka mokgwa wo mongwe, ke no se kgone go e tloša monaganong wa ka, gore ke swanetše go ba le wena go tla go rapelela mosetsana

yo. A ka kgopelo o ka e dira? Wa lena ka therešo, Mdi. Harold Nail. Borwa bja Boston, Indiana.”

Ke rile, “O a tseba, yoo ke mosetsana. Yoo ke yena.”

⁸⁸ Ke ile gae, ka botša mme wa ka, ka ba botša ka yona. Ke rile, “Yoo ke—yoo ke mosetsana.” Gomme ka gona bošego bjoo, ka kerekeng, ka re go kereke. Ka re, “Šele lefelo lela—lela—lela—lela.” Ke rile, “È ka ba mang a tsebago moo Boston Borwa e lego?”

⁸⁹ Gomme Ngwanešu George Wright, bohole le tlwaelane le yena, o rile, “Ngwanešu Branham, ke... Ke nagana e tlase ka Borwa.”

⁹⁰ Kafao letšatši la go latela, bagwera ba babedi ba ka, le mosadimogatša wa ka, yo bjale a lego, le monna le mosadimogatša wa gagwe go tšwa Texas. Lei-...leina la bona e be e le Brace, Ad Brace. O dula fase mo bjale, ka tlase ga Milltown, molemi. O be a le molemi ntle ka Bodikela. Gomme o be a šuthetše mo go ba kgauswi le kereke. Gomme ke be ke rapeletše mosadimogatša wa gagwe, gomme o be a fodišitše seemo sa bolwetši bja mafahla. Gomme kafao o be a nyaka go bona se se direga. Ke rile, “Eya le nna, gomme o bone ge se sa direge feela ka tsela ye.” Kafao mohumagadi ga se nke a ke a bona pono, Mdi.—Mdi. Brace. Kafao mosadimogatša wa ka o ile le nna. Gomme Ngwanešu Jim Wiseheart, mogolo wa kgale, le a elelwa, kereke fale, motikone wa kgale, o nyakile go e bona. Ke no bile le ye nnyane, bene ya kgale nako yeo, gomme ke bile le bona bohole ba pakelane ka fale.

⁹¹ Gomme re ile tlase ka tlase ga New Albany. Gomme ke hweditše leswao le, gomme ke tlie go hwetša ntle, e be e se Boston Borwa. E be e le New Boston. Ka fao nako yeo ke be ke sa tsebe mo nka yago, ka fao ka tla morago godimo Jeffersonville gomme ka botsiša yo mongwe. Gomme yo mongwe o ile ofising ya poso, ba rile, “Boston Borwa bo godimo ka godimo ga Henryville.”

⁹² Kafao ke—ke ile godimo Henryville, gomme ke botšišitše kua. Gomme ba rile, “Tepogela ka tseleng *ye*. E be e ka ba dimaele tše lesometlhano, morago godimo ga dithabana tše *fa*, o hwetša lefelo le lennyane. Le tla hlokomela, le tla e foša,” o rile, “gobane e no ba lebenkele le tee le lennyane. Gomme lebenkele le na le ofisi ya poso, se sengwe le se sengwe gape, ka go lona. Boston Borwa, godimo ka go dithabana tše.” Go na le diakere tše dikete tše lesomešupa tša tšona dithabana ka kua, le a bona. Gomme ye e godimo ka morago ga yona, ka dithabeng kua.

⁹³ Kafao re ile pele, re otlela mmogo. Gomme gateetee, ke ikwetše go tlaba ka kgonthe, ka morago ga ge ke be ke otlela, dimaele tše tlhano goba tše tshela, ke ikwetše go se tlwaelege ka kgonthe. Ke rile, “Ga ke tsebe.”

Ba rile, “Bothata ke eng?”

⁹⁴ Ke rile, “Ke dumela gore—gore Yena yoo a bolelago le nna, o nyaka go bolela le nna, kafao ke ya go swanela go tlogela koloi.”

⁹⁵ Kafao ke tšwetše ka ntle ga koloi. Gomme basadi ba dutše difarong tša basadi, le a tseba, le se sengwe le se sengwe, bene ye nnyane yela ya kgale. Gomme ke tšwetše ka ntle ga koloi, le go ya go dikologa ka morago ga koloi. Gomme ke inamišitše hlogo ya ka fase, ka bea leoto la ka godimo ga pampara, ka morago ga koloi. Gomme ke rile, “Tate wa Legodimong, ke eng O ratago mohlanka wa Gago o e tseba?” Gomme ke rapetše. Ga se gwa direga selo. Ke letile metsotso e se mekae. Gomme ke naganne, “Gabotse, O . . .” Ka mehla moo go lego lešaba boka leo, ke swanetše go tla go nnamong. Gomme kafao ke letile metsotso e se mekae.

⁹⁶ Ke diregile go gogelwa, go lebelela godimo kua. Ke diregile go nagana, “Gabotse, lebelela mo, kereke yela ya kgale še e dutše fase mo.” Gomme ge o kile wa . . . Ke Bunker Hill Church. Gomme ke lebeletše godimo go lehlakore, Bunker Hill Christian Church, gomme fao go be go le matlapa a mabitla a serapa sa mabitla, thwi ka pele ga kereke.

⁹⁷ Gomme ke ile godimo fale. Ke rile, “Bjale lena bohole le swere ona mangwalo.” Ga se ka ke ka ba ka nageng yeo pele, ka bophelong bja ka. Ga se ka ke ka ba godimo kua, kae kapa kae, ka bophelong bja ka. Gomme ke rile, “Le hwetša ona maina le dinomoro gomme le tle fa, le bone ge eba ga se yena wa go swana godimo ga leswika le.” Gomme e be e le fao, feela tlwa. Ke rile, “Yeo ke yona. Re tseleng ya maleba bjale.” Ke rile, “Yoo e be e le Morongwa wa Morena.” Le a bona, ke fetile thwi kgauswi le yona, gomme ke sa e tsebe. Kafao, oo, O phethagetše.

⁹⁸ Gomme kafao re otletše pele le pele. Thwi ke kopane le monna, gomme ke rile, “A o ka kgona go mpotša mo Boston Borwa e lego, mohlomphegi?”

⁹⁹ O rile, “O kitimela ka go la go ja le la nngele,” le a tseba, le go ya pele ka mokgwa woo. Gomme re nno tšwelapele go ya.

¹⁰⁰ Kafao ka morago ga lebakana, re tlide ka go, ke hlokometše, ke tlide ka go lefelo le lennyane. Gomme go be go le mohuta wa motse wo monnyane, boka. Gomme ke—ke lebeletše. Ke rile, “Yeo ke yona. Yeo ke yona, thwi fao.” Ke rile, “Go na le . . . Fale, go na le bopele bja ntlo ya bobolokelo bjo boserolwana.” Gomme ke rile, “Bjale, šetšang. Monna o ya go tšwela ka ntle ga fale, a apere dioborolo tše bolou, mmurufela wo mošweu . . . goba kefa ya mmurufela ye serolwana, ka maledu a mašweu, le go mpotša mo ke yago. Ge go se bjalo, ke nna radinonwane.”

¹⁰¹ Gomme kafao bohole ba be ba letile. Gomme—gomme ke otletše godimo, ka pele ga lefelo. Gomme feela ge ke otletše godimo, ka pele, gwa tla monna yo a aperego sutu ya obarolo ye bolou, le kefa ya mmurufela ye serolwana, le maledu a mašweu.

Gomme Mdi. Brace o idibetše ka koloing, go e boneng e etla go phethega, ka mokgwa woo.

Ke rile, "Mohlomphegi, o swanetše go mpotša moo Harold Nail a lego."

O rile, "Ee, mohlomphegi." O rile, "A o tšwa Borwa?"

Ke rile, "Ee, mohlomphegi."

¹⁰² O rile, "O e fetile. E ka ba seripa sa maele go theoga tsela, o a retologa, tsela ya pele go ya go la nngele. O ya godimo, gomme o hwetša ntlopolokelo ye kgolo ye khubedu, gomme o retologela ka kua go ntlopolokelo yela ye khubedu." O rile, "Ke ngwako wa bobedi ka go la go ja la gago, ge o tepogela godimo ka tsela yela ye nnyane ya go swana le mmila."

Ke rile, "Ee, mohlomphegi."

O rile, "Gobaneng?"

Ke rile, "O na le morwedi wa go tlaišega. A ga a?"

O rile, "Ee, mohlomphegi. O a dira."

¹⁰³ Ke rile, "Morena o ya go mo fodiša." Gomme mokgalabje a thoma go lla. Le a bona? Ga se a ke a tseba. Gomme kafao o be a akareditšwe ka ponong. O be a sa tsebe se se bego se direga.

¹⁰⁴ Ke ile ka retologa go dikologa. Re ile ra hwetša Mdi. Nail mohuta wa go tsošollošwa gape. Gomme ka ya godimo kua, ka sepelela godimo ka jarateng. O tšwetše ka ntle ga koloi, a thoma ka gare. A thoma godimo lefelo go ya go . . . le a tseba, go lefelo mo e bego e le gona. Gomme mosadi yo moswa wa go bopega boima o tla lebating. Ke rile, "Yena šole." Le a bona?

Gomme kafao o rile, "Go bjang?"

Gomme ke rile, "Go bjang?" Ke rile, "Ke nna—ke nna Ngwanešu Bill."

¹⁰⁵ "Oo," o rile, "Ke—ke—ke naganne o be o le." O rile, "O hweditše lengwalo la ka?"

Ke rile, "Ee, meme, ke dirile."

O rile, "Ke nna Mdi. Harold Nail."

¹⁰⁶ Ke rile, "Gabotse, ke thakgetše go go tseba, Mdi. Nail. Gomme ye e no ba phathi ye nnyane e etla le nna, go rapelela mosetsana wa gago."

O rile, "Ee."

Ke rile, "O lokisetše go fola."

¹⁰⁷ O rile, "Eng?" Gomme dipounama tša gagwe tša thoma go roromela. A thoma go lla.

¹⁰⁸ Ke rile, "Ee, meme." Gomme ga—ga ke tsebe; ga se ka tsoge ka emela mosadi.

¹⁰⁹ Ke sepeletše thwi pele go theoga holo, gomme phathi ya ka e a ntatela. Ge ke butše mojako go ya go la go ja la holo, le

legolo, la kgale legae la magaeng, ka bula mojako, go be go le tše serolvana ditaba- . . . goba dipampiri tše serolvana mo lebotong, diswantšho tše ntsho; leswao, "Modimo šegofatša legae la rena;" malao a kgale a mphiri; setofo sa sekgorokgoro se dutše go la nngele la ka. Gomme go na le khote ye nnyane nthathana e dutše fale, le mosetsana yo wa go lebega bošemane o robetše ka go yona.

¹¹⁰ Bjale se sengwe se diregile. Ke be ke le godimo khoneng ya kamora, ke bogetše mmele wa ka o eya malaong ale. Gomme ke beile diatla tša ka thwi go putla mpa ya gagwe, tlwa ka tsela ye Morena a boletšego. Gomme ge ke dirile seo, ge Mdi. Nail a sepelela ka kamoreng gomme a bona seo, a ya fase lebatong, gape, a idibala. Ke mohuta wa motho wa go fokola, gomme o ile a idibala godimo ga lebato, gape. Gomme Ngwanešu Nail o be a leka go šoma le yena. Gomme mokgalabje Ngwanešu Jim a eme fale, a re, "Šegofatša Morena," a swere diatla tša gagwe mmogo, ge bohole le ka be le tsebile ka fao a dirilego. Gomme ka fao nako yeo ka lebelela seo, gomme ke bone sela.

¹¹¹ Gomme ke beile diatla tša ka godimo ga gagwe, goba go kgabaganya mpa ya gagwe, ka mokgwa *wo*. Ke rile, "Morena, ke dira se ka taelo ya, se ke naganago ke sona, Modimo o mpotšago go se dira." Gomme e ka ba ka nako yeo, a thoma go lla, gomme a tabogela godimo.

¹¹² Gomme ba nno hwetša Mdi. Nail go maoto a gagwe. O be a tsogile, go tšwa go mantladima a gagwe a go idibala.

¹¹³ Gomme ge mosetsana a tabogile go tšwa mpeteng, fao gwa tla leoto la gagwe la pitšama godimo ga leoto la go ja, feela tlwa ka tsela ye e laeditšego ka ponong. Gomme go be go le letolo lela la nkgokolo la mosetsana, sebakeng sa mošemane.

¹¹⁴ Gomme Mdi. Nail o ile fase, gape. Le a bona? O ile a idibala. Yeo e be e le makga a mararo a be a idibala.

¹¹⁵ Gomme mosetsana yola o sepeletše ntle fale, ka kamoreng yela. Gomme a ya ka kamoreng ya gagwe ya go aparela, a lla, gomme a apara kimono ya gagwe, a tla a sepelela morago, a kama moriri wa gagwe. Le yena . . . ka sela sa go golo- . . . Gomme seatla sa gagwe—sa gagwe se tee se be se golofetše, le sona, ka lehlakoreng le letona. A kama moriri wa gagwe ka seatla sela sa go golofala.

¹¹⁶ O nyetšwe, o na le sehlopha sa bana. Leina la gagwe, ga ke tsebe leina la gagwe ke mang bjale. Eupša Nail, yo mongwe le yo mongwe a ka kgona go go botša, Harold Nail.

¹¹⁷ Gomme dipono tšeо ke therešo. [Lefelo la go se be le selo godimo ga theipi—Mor.] Nka bea seo le go le iša go batho bao ba tla dirago bolumo ya dipuku tša dilo tše bjalo di diregilego. Bjale, yeo ke therešo, Ngwanešu Vayle.

¹¹⁸ Ke tla šitwa; ke nna motho. Ke wa go šitwa, le go thoma, gomme kemedi ya go šokiša bakeng sa mohlanka wa Kriste. [Lefelo la go se be le selo godimo ga theipi—Mor.]

¹¹⁹ [Ngwanešu Vayle o re, “Peleta Merrell?”—Mor.] M-e-r-r-e, l tše pedi. [“Ke naganne e be e le seo tlase kua. Ya.”] A ke sohle se lego gona, tše bjale? [“Nail e be e le N-e-i-l?”] N-a-i-l. [“Brace, B-r-a-c-e?”] B-r-a-c-e, Ad, Ad Brace. [“Bjale ke nagana ke ba swere bohle. Feela motsots. Graham Shelling?”] Graham, G-r-a-h-a-m. [“Yeo ke ‘n’ fao.”] S-n-e, l tše pedi, i-n-g. [“Oo, Snelling. Bjale re e swere.”]



DIPONO TŠA WILLIAM BRANHAM NST60-0930
(Visions Of William Branham)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mosong, Setemere 30, 1960, ka Campaign Office ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org